

بداية أحببكم. واسمحوا لي بتوجيه تحية إلى روح أم أحمد شرقاوي، آخر من غادرنا من أهالي المفقودين، وإلى أرواح جميع الذين رحلوا قبل معرفة الحقيقة عن أحببهم.

تحية لنزلاء المقابر الجماعية، مجهولي الهوية، حتى إشعار يُعيدنا إلى الإنسانية. تحية لروح غازي عاد، رفيق النضال من أجل معرفة مصير جميع المفقودين والمخفيين قسرياً.

ارتأيت توزيع كلمتي على عناوين بما يضمن، أولاً احترام الوقت المُعطى لاختصار مسار عمره تخطى ثلاثة عقود. ويحترم ثانياً النقاط المطلوب مني تناولها من قبل المنظمين: المثابرة والأمل وتوعية المجتمع.

علني أنجح. علّ هذه الندوة تنجح في شدّ أزرنا، عنيت نحن الأهالي المشاركين اليوم، لنقوم غداً بشدّ أزر الأهالي غير الموجودين في هذا اللقاء.. علنا تنجح في الاستدراج إلى وقفة تضامنية تساهم في وقف تمادي السلطات الرسمية بالتلكؤ ودفعها لأخذ قرار جدي عملي يضع حداً لمأساتنا.

#### ١- مسيرتنا: شو تحمّلنا وشو عملنا؟

كان لقاءنا الأول، أنا والنسوان في الحرب في كورنيش المزرعة / بيروت الغربية (آنذاك)، صبيحة ١٧/١١/١٩٨٢، استجابةً لنداء كنتُ أطلقته عبر الراديو. فاجأني العدد. كان لا بدّ من فعلٍ ما. فكانت أول حركة عفوية، احتجاجية، سلمية تخرج من رحم الحرب في زمن الحرب، تخرق حالة الطوارئ المعلنة. كانت أول مسيرة نسائية باتجاه السراي الحكومي (الصنائع) لمواجهة الرئيس.

بتمنى ما يزعجوا الرجال اللي معنا من الأهالي. هيك فرض علينا الواقع آنذاك: حرب. أكثرية المفقودين من الذكور. حالة طوارئ.

كنا نسوان. المرأة اصطُح أنها الأضعف. طبيعي أن تقع عليها تبعات الحرب. فهي عرضة لأن تُصاب، أن تُقتل، أن تجوع، أن تعطش، تهجر... (لأن تكونَ أمّاً لمحاربٍ أو زوجةً له. لأن تكونَ أمّاً لضحيةٍ أو زوجةً له).

قمة المعاناة كانت في أمومة ضاغطة لتأمين حماية الأولاد ورعايتهم. في ذات الوقت البحث عن الأب، أو الابن، أو الزوج، أو الأخ.. وفي بعض الحالات عن أكثر من مفقود في العائلة الواحدة.

لأنو النسوان هني الحلقة الأضعف، ما شفعتلنا أمومتنا نبقي بمنأى عن محاولات استباحة الخصوصيات. الوضعية الملتبسة اللي حاصرنا (لا عزابة ولا مزوجين، لا أرامل ولا مطلقين، لا أمهات ولا تكالي، ولادنا ما عندن بي ولا يتامى ...) ففتح شهية الممنوعات في محاولة التحرش الجنسي، الامعان في التعامل الدولي (استوطوا حيطنا)، ممارسة شتى أنواع الابتزاز...

فوق هالشي، تحمنا يغيرولنا أسماءنا، هوياتنا، ضلينا مكملين. حتى ولادنا تغيرت أساميهم وصاروا ولاد المفقودين.. صرنا نحن أهالي المفقودين..

يعني تضافرت الجهود والاجتهادات لتشييننا... لانتزاع إنسانيتنا !!

إذا شافوا دموعنا بيقولوا "خطي". إذا وقفنا عا إجرينا وطالبنا بحقنا بيقولوا "أخوات الرجال!!" تحركنا الأولى كانت عفوية.. فداحة المصاب أخرجت النسوة من الدور التقليدي "سنات بيوت"، وحدتنا، شككت قوة استثنائية دافعة لتحركات مدروسة لاحقاً.

نحن أهالي المفقودين. عندما رفعنا الصوت، لم نتوقع أننا إزاء مهمة تكاد تكون شبه مستحيلة. أننا بمواجهة أشكال وألوان لمطباتٍ وحقول الغام.

نحن أهالي المفقودين. شكنا طائفة "غير شكل"، طائفة عابرة للطوائف في بلد اقتتال الطوائف. طائفة فريدة بتشبهنا لأننا من آلاف اللبنانيين وغير اللبنانيين المقيمين على أراضيه. لكننا لسنا من الطوائف المعترف بها رسمياً بسبب بنيتنا المميزة.

نحن أهالي المفقودين. تعرضنا للتهديد وللتروغيب.. لم نخف ولم نياس. بقينا مكملين..

٢- نحن والحكام: تحمنا وعودهم وأكاذيبهم وحججهم الواهية بالحرب وبالسلم.

بالحرب: المسؤول: معكن حق، وأنا معكن. بس.. "العين بصيرة واليد قصيرة"، لأنو سلطة الميليشيات أقوى من سلطتنا.. ما عاد عنا هيبة.

بالسلم: الحق معكن، وأنا معكن. بس.. لازم تنسوا الماضي، لازم تحطوا كل شي وراكن وتتطلعوا لقدام، تنخرطوا بورشة السلم وإعادة الإعمار.

المضحك اللي بيكي وقت صاروا يحذروننا من خطورة حرب جديدة، ويحملونا إلنا مسؤولية إشعالها!!

والمضحك اللي ما بيكي هوي اللي قالولنا ياه إنو الأولوية للتحرير من العدو الإسرائيلي.. طولوا بالكن، مش وقتنا!!

واللي ما ببكي، واللي بيضحك، حجة واحد من إنو السوريين مانعين فتح الملف!! يعني ضحايا مرتين بالحرب والسلام.

صحيح صدمتنا زادت وجعنا وتعينا. بس كمان زادت عزيمتنا ووعينا وزادت تمسكنا بحق المعرفة.

الحكام قالوا كلمتُن، داروا ضهرن ومشيو وراهنوا إنو هيك منقعد ببيوتنا ولا حول ولا قوة. راهنوا إنو الزمن كفيل ينسنا ..

نحننا الأهالي، صحيح إنو قلنا كلمتنا بس ما مشينا.. وبقيت الشوارع إلنا، وعالمنا بر صرنا أقوى وأفضل. ورح تبقى حناجرنا تنادي بالحق وبالكرامة.

نحننا أهالي المفقودين. فئة دمنا الصبر والمثابرة. لأنو نحننا أصحاب حق ما رح نتخلي عنو ومش لازم نتخلي عنو.. قرايبتنا الأرجنتينية "لورا بونايرت" (تعريف عنها) وقت إجت عالبنان تتطمّن عنّا قالت لحكامنا "المفقودون ألم لا ينتهي، والصمت أداة تعذيب".. معا حق لورا. وقت ماتت كانت مطمئنة البال عال مسار المتقدم المكمل بالأرجنتين من بعدا.. لورا ورفقاتنا وأحفادنا ما تخلوا عن حقن بمعرفة مصير أحبائنا ..

- مش بس نحننا أهالي المفقودين في كتار مثلنا بالعالم وقعوا بهالمصيبة. في شعوب قبلنا داقت طعم الفقدان، وفي شعوب معنا، وفي بعدنا... (فيتنام، الأرجنتين، قبرص، البوسنة والهرسك، المغرب... سوريا). عم قول هالشي مش لأرتاح وريحكن.. بالعكس، عم قول هالشي تا أكد إنو لازم نكمل.. يلي عملنا مش قليل، مش هين. اللي عملناه كثير مهم مش لازم نفرط فيه، لازم نحافظ عليه ونراكم فوقو. ليش؟ لأنو ما فينا ننسى ولادنا وبياتنا ورجالنا وإخوتنا.. لأنو بدنا نعرف وينن. أحياء، أموات بدنا نعرف، حقنا نعرف..

مش بس هيك ومع أهمية هالشي، نحننا عم ندافع عن الإنسان، عن حقو يعيش بأمان، بحرية وبكرامة.. نحننا عم ندافع عن ولادنا، عن أحفادنا حتى ما يتعرضوا ليلي تعرضناو..

نحننا أهالي المفقودين. نحننا أم الصبي. الصبي إذا ما بكى ما بترضعوا أمو.. نحننا ولاد الدولة .. بدنا نضل نطالبنا بحقنا حتى تردلنا ياه.. بدنا نضلنا لاحقين، متمسكين فيها مهما تنكرت لنا ، تلكأت، تخلت، تمادت بالاستلشاق...

بالحرب، بأحلك الظروف والانقسامات توحدنا وتكاتفنا مع بعض. اليوم، وأكثر من كل يوم لازم نبقي موحدين متكاتفين بالرغم من كل الانقسامات والاصطفافات الطائفية والسياسية التي تنخر البلاد.

بعرف قديش في أهالي تعبوا (نا)، مرضوا(نا)، ضجروا(نا)، قديش في ناس بيناتنا ما غمضتلن (نا) عين، قديش تبللت المخدة تحت روسن(نا) من الدموع...

اليوم، وأكثر من كل يوم، بالرغم من كل اللي مرق علينا وتحملناه، ما لازم نيس.. لأنو ما حدا ممكن ينسى شخص عزيز عا قلبو.. ما حدا ممكن يتجرأ إنو يكب كل الانجازات يلي قدرنا نحققها سوا (نحنا نمل عم نحفر بالصخر)..

نحنا بشر، ناس عاديين. منحس، منتعب، منحب نفرح، نعيّد ونحلم... صبرنا، تحملنا، عنادنا واستمرارنا... مش لأنو نحنا خارقين.. لأنو جرحنا بعد ما اندمل. لأنو نحنا أصحاب حق.

### نحنا والمجتمع:

بالحرب، كنا وحدنا، وكنا بحاجة ليدعنا المجتمع يلي كان ينحو إلى الصمت، منشغلاً بتدبير شؤونه وحماية رأسه وعائلته كأولوية.

همنا ما كان بس ليحسوا فينا واللي صار فينا، بل لتحفيز الناس، لتشكيل حالة اعتراضية ضد استمرار الحرب ووقوع ضحايا جدد.

بالسلم، غير إنو ما مرق من حدنا، ولا رجعلنا حدا من حبايينا، كان علينا نعلي الصوت ونكوز بالمجتمع تيفيق ويكشف زيف السلم ويشاركنا بتحمل المسؤولية، سيما وأن حلّ قضيتنا يشكّل الممرّ الإلزامي لإقفال ملف الحرب، والتأسيس لسلم حقيقي.

نجحنا في استقطاب أصدقاء للقضية في إطار "من حقنا أن نعرف". معهم أطلقنا حملةً وطنيةً (العام ٢٠٠٠)، وحملة ثانية (العام ٢٠٠٣) مكنتنا من التقدّم خطوات.

معهم، رسّخنا شعبياً مطالبتنا بإعلان يوم ١٣ نيسان يوماً وطنياً للذاكرة، وإقامة نصب تذكاري لجميع ضحايا الحرب...

معهم، نظّمنا حملة "زورونا" العام ٢٠١٤ أثمرت عن تنفيذ القرار القضائي الذي كرّس حقنا بمعرفة مصير أحببتنا.

معهم، أطلقنا حملة أربعين الحرب (٢٠١٥). امتدت أربعين يوماً. شملت معظم المحافظات اللبنانية.

وما يزال إطار "حقنا نعرف" مواكباً وداعماً لنضالنا، ينتظر انضمام من يشاء من هيئات وأفراد. كل وحدة وواحد منا يبقدّر يدعي اصدقاء للانضمام الى "حقنا نعرف".

### نحننا الأهالي والقضاء:

لجوؤنا إلى القضاء ليس لإعفاء الحكّام من مسؤولياتهم. لجأنا إلى القضاء آمليين أن يعيد لنا حقوقنا، ينصفنا.

لن أفصل المحطات مع القضاء، فهناك دعاوى ما تزال قيد الدرس والتحقيق.

أكتفي بالقرار - الإنجاز الصادر عن مجلس شوري الدولة (٢٠١٤) الذي أُلزم الدولة بإعطائنا نسخة عن ملف التحقيقات التي أجرتها اللجنة الرسمية للاستقصاء عن مصير المفقودين (العام ٢٠٠٠).

حق المعرفة المكرّس دولياً وفق القانون الإنساني الدولي، بات مكرس لبنانياً بموجب هذا القرار.

نحننا اليوم، معركتنا مستمرة. نصرّ على تطبيق قرار مجلس الشوري بترجمته عملياً عبر إجرائين اثنين يمثلان حلّ الحد الأدنى المقبول:

- جمع وحفظ العينات المرجعية البيولوجية من عائلات المفقودين والمخفيين قسرياً، كخطوة تمهيدية تساعد في التعرف على هويات المفقودين أو على الرفات متى وُجدت. وقد باشرت البعثة الدولية للصليب الأحمر، مشكورةً، بجمع عيناتنا، لأننا في سباق مع الزمن.
  - إقرار قانون بتشكيل هيئة وطنية مستقلة تتمتع بالصلاحيات والامكانيات اللازمة للكشف عن مصير المفقودين والمخفيين قسرياً.
  - العريضة الوطنية: هذا الحل هو موضوع حملة العريضة الوطنية التي أطلقناها في ١٣ نيسان الفائت، نأمل توقيعها خلال هذا اللقاء.
- إصرارنا على الحل هو معرفة مصير أحبائنا أحياءً أو أمواتاً.
- إصرارنا على الحل هو تفادي الانزلاق مجدداً إلى حربٍ وسطٍ زنارٍ النار المشتعل في المنطقة.

إصرارنا على الحل هو حرصٌ على بناء مواطن، بناءً مجتمع، بناء دولة المواطنة.  
إصرارنا على الحل هو للحوول دون توريث فيروس الحرب لأحفادنا.  
إنطلاقاً من إنجازاتٍ استطعنا تحقيقها على أرضٍ ملغمةٍ ومناخٍ مفتحٍ، يُدغدغنا  
تفاؤلٌ متنامٍ بإمكانية التغيير للخلاص. خلاصٌ بحجم الوطن.

أنا بشوف إنو الخلاص بيقترب أكثر وقت كل واحد بيتحمل مسؤوليتو. إذا كان  
خلاصنا بحل قضية المفقودين، معناتنا كل واحد منا مسؤول عندو دور (من الأهالي)  
مش بس الهيئة الإدارية، مش و داد حلواني. نحنا كهيئة إدارية مقصرين بمركزة  
التحركات ببيروت، صحيح. هيدا الو أسباب عديدة منبقى نحكيا مع بعضنا لاحقاً.  
بس بلشوا فكروا بمشاريع مستقلة. خلونا نكثر نشاطات وتحركات وننوعها. خلوا  
الهيئة الإدارية تلحقن. اجبروها تواكبكن اطلبوا انا تساعدكن بتنفيذ أي مشروع  
تقترحونه. كل واحد بيقدر يقترح فكرة، ينظم نشاط، مهما كان بسيط بالحي،  
بالشارع، بنادي الضيعة بالمدينة.. على سبيل المثال: فكرة معارض صغيرة  
(أغراض ونبذة عن المفقود) ثم معرض جامع. كتابة قصة. إعداد مسرحية،  
أغنية...

### نحن الأهالي والصليب الأحمر الدولي:

كنا وبعدها عم نطالب الدولة بالتعاطي الجدي مع هالملف والبد بالترجمة العملية  
للحل.. بدل ما تبادر الدولة وتتحمل مسؤولياتنا، باشر الصليب الأحمر بالعمل  
الميداني بالأرض.. دراسة حاجات أهالي المفقودين، جمع المعلومات ما قبل  
الفقدان، جمع وحفظ العينات البيولوجية منّا لحين ما يفيقوا النواب ورئيسهم  
ويصدروا قانون تشكيل الهيئة الوطنية للمفقودين. وصولاً إلى مشروع كرسي  
المفقود اللي اشتغلنو عليه وبعده مكمل، هالمشروع خاطب ضمائر ناس كتار.  
انكتب عتو كتير.. يعني ضوا عالقضية.. شكراً للصليب الأحمر على وقوفه إلى  
جانبنا.

إذا كان كل اللي قدرنا ننتزعوا من الدولة مش كافي ولازم ما نوقف.. تأكدوا إنو لا  
القضاء ولا المجتمع، ولا حقنا نعرف، ولا الصليب الأحمر كانوا قاموا بما قاموا  
به لو ما نحنا واقفين وتمسكين بحقنا

دعوة الجميع الى المشاركة نهار الأربعاء، ٣٠ آب الجاري، الساعة ١٢ لإحياء  
اليوم العالمي للمفقود.

عامل الوقت قد ينهي الأعمار لكنه لا ينهي القضية..

٢٠١٩-٥٥٥١٩-٢٥١٧٥٨٢٦

ندوة الصليب الأحمر الدولي ٢٦-٢٧/٨/٢٠١٧

ختاماً، أهالي المفقودين بيستحُوا "زأفة" دعم لأنن بعدن واقفين وماسكين حقن بايدن وما رح يساوموا حدا عليه.. وببستاھلوا إيدین تشبک بايديھم. سلاحنا الحق، الأمل والمثابرة.